

Lan-eskaintzen erregistroa 2023ko martxoan

• ERREGISTRATUTAKO LAN-ESKAINZA KOPURUA


Euskal Autonomia Erkidegoko enplegu-bulegoetan 1.288 eskaintza erregistratu dira 2023ko martxoan, otsailean baino 241 gehiago eta 2022ko martxoan baino 117 gutxiago.

• LURRALDE HISTORIKOAK

Kudeaketako Administrazio Unitatearen (UAG) lurralde historikoari dagokionez, 2023ko martxoan 242 eskaintza erregistratu dira Araban, 514 Gipuzkoan eta 532 Bizkaian. Eskaintzen % 18,8 Araban erregistratu dira, % 39,9 Gipuzkoan eta % 41,3 Bizkaian.

Araban, hilabete honetan, eskaintzak % 21 gehitu dira (42 eskaintza gehiago); Gipuzkoan % 35,3 (134 eskaintza gehiago) eta Bizkaian % 13,9 (65 eskaintza gehiago).

Eskaintzaren Lurralde Historikoa



Iazko hil beraren aldean, 14 eskaintza gehiago izan dira Araban (% 7,5eko igoera); 47 eskaintza gutxiago Gipuzkoan (%-8,4) eta azkenik, Bizkaian, 84 eskaintza gutxiago erregistratu dira (% 13,6ko jaitsiera).

• ESKAINTZAREN OKUPAZIOA


Okupazio-profilei dagokienez, EAEn zientzia-teknikarien profilak izan ditu eskaintza gehien: 260 eskaintza eta eskaintza guztien % 20,2. Ondoren, zerbitzuen profila dator, 231 eskaintzarekin eta % 17,9ko pisuarekin. Industriaren, laguntzako teknikarien eta kualifikaziorik gabekoen okupazio-profilek ere pisu handia dute erregistratutako eskaintzei dagokienez; 206, 202 eta 162 eskaintza izan dute, hurrenez hurren. Eskaintza gutxien erregistratu dituzten profilak zuzendari-tzako eta lehen mailako profilak dira, 14 eta 12 eskaintzarekin, hurrenez hurren.

Joan den hilabetearekin alderatuta, profil guztietako eskaintzen kopuruak gora egin du, lehen sektorekoak izan ezik, horiek 13tik 12ra jaitsi baitira hilabete honetan. Gehien igo den profila, balio absolutuei dagokienez, zerbitzuetakoa izan da, 63 eskaintza gehiagorekin eta % 37,5eko igoera; balio erlatiboetan, aldiz, igoerarik handiena ez kualifikatuen profileko eskaintzetan izan da, % 54,3ko igoerarekin (57 eskaintza gehiago).

Urte arteko saldoari dagokionez, eskaintza gehienek behera egin dute. Igoerarik handiena, balio absolututan, administrazio-profileko eskaintzek izan dute (18 eskaintza gehiago, % 17ko igoera); termino erlatiboetan, igoerarik handiena zuzendarien profilak izan du, % 55,5eko hazkundearekin (5 eskaintza gehiago). Jaitsiera handiena, aldiz, zifra absolutuetan, zerbitzuen profilean gertatu da, 36 eskaintza gutxiagorekin eta % 13,5eko jaitsierarekin; zifra erlatiboetan, jaitsiera handiena operadoreen profilean gertatu da, % 24,5eko jaitsiera erlatiboa izan baitu (25 eskaintza gutxiago).

• KONTRATU MOTA


Erregistratutako eskaintzen % 40,4 mugagabeak izan dira, eskaintzen % 58,8 aldi baterakoak, eta gainerako % 0,8 merkataritzakoak. Kontratu mugagabeen eskaintzen ehunekoa oso handia da; bigarren aldiz gainditu du % 40ko muga, eta indartu egin da 2021aren amaieran hasitako kalitate handiagoko eskaintzak areagotzeko joera. Eskaintza mugagabeak 521 izan dira, aurreko hilean baino 89 gehiago (% 20,6 gehiago). Aldi baterako eskaintzak 148 gehiago izan dira, guztira 757; termino erlatiboetan, igoera % 24,3koa izan da. Azkenik, merkataritza-izaerako 10 eskaintza izan dira 2023ko martxoan, aurreko hilean baino 4 gehiago.



Urte arteko saldoari dagokionez, kontratu mugagabeko eskaintzak 165etan gehitu dira (% 46,3ko igoera); aldi baterako eskaintzak % 27,2 gutxitu dira (283 eskaintza gutxiago). Azkenik, merkataritzako eskaintza 1 gehiago erregistratu da, 9tik 10 eskaintzatara pasa da urteko erreferentzian.

• ESKATUTAKO ESPERIENTZIA - DENBORA

2023ko martxoean erregistratutako eskaintzen % 73,9k 0-6 hilabeteko esperientzia eskatzen dute, 952 eskaintza guztira. Erregistratutako eskaintzen % 14,3k, hau da 180k, 6-12 hilabeteko esperientzia behar dute. Ehuneko txikiagoak dituzte esperientzia-aldi luzeagoa eskatzen duten eskaintzek, hala nola 3 eta 5 urte bitartekoak, % 1,9ko pisuarekin (14 eskaintza) eta 5 urte baino gehiago eskatzen dituztenek; 13 eskaintza eta % 1eko pisuarekin.



Hil arteko bilakaerari dagokionez, eskaintzek gora egin dute tarte guztietan, 1 eta 3 urte bitartekoetan izan ezik, 2 eskaintza gutxiago izan baitira (% -1,7). Igoerarik handiena, balio absolutuetan, 0 eta 6 hilabete bitarteko esperientzia-tartean gertatu da, 202 tratu gehiagorekin (% 26,9 gehiago); balio erlatiboetan, igoerarik handiena 3-5 urteko esperientziako eskaintzetan izan da, 14tik 24ra igaro baitira (+%71,4).


Urteko bilakaerari dagokionez, eskaintzek behera egin dute tarte guztietan, 5 urtetik gorako lan-esperientzia eskatzen dutenetan izan ezik, 7 eskaintza gehiago erregistratu baitira (% 116,7ko igoera). Ehunekotan, eskaintzak 1-3 urteko tartean jaitsi dira gehien (% 16,2ko jaitsiera, 23 eskaintza gutxiago); balio absolutuetan, jaitsiera handiena 0-6 hilabeteko tartean gertatu da, 71 eskaintza gutxiagorekin (%-6,9).

Lan-eskaintzen erregistroa 2023ko martxoan

Martxo honetan, erregistratutako lan-eskaintzek, batez beste, 8 hilabeteko esperientzia eskatzen zuten, otsailean baino 1 gehiago.

• LANALDI MOTA

Analisiarekin jarraitu baino lehen, esan beharra dago ez dutela erregistratutako eskaintza guztiek zehazten zein izango den lanaldi mota: soilik eskaintzen % 12,5ek zehazten du datu hori, (1.288 eskaintzetatik 161); lehengo hilean baino 2,5 puntu gutxiago. 161 eskaintza horietatik, 126k lanaldi osoa eskaintzen dutenak izan dira, eta, gainontzeko 35ak, lanaldi partziala eskaini dute.



Bilakaerari dagokionez, lanaldi osoko eskaintzak 6 gehiago izan dira otsailarekin alderatuz, hau da, % 5 igo dira. Lanaldi partzialeko eskaintzak, berriaz, murriztu egin dira; 2 eskaintza gehiago eta murrizketa erlatiboa % 5,4koa izan da.

Aurreko urteko hilabete berberarekin alderatuz, eboluzioa hurrengoa da: lanaldi osoko eskaintzak 18 gutxiago izan dira (% 12,5 gutxiago), eta lanaldi partzialeko kasuan, aldiz, 9 gehiago (% 36,4ko gorakada).

• ALDI BATERAKO LANERAKO ENPRESAK (ABLE)


Hil honetan 16 lan eskaintza kudeatu dira ABLEn bitartez, aurreko hileko kopuru bera eta aurreko urtean baino 18 gutxiago.

• ESKATUTAKO PRESTAKUNTZA MAILA

Adierazle honi buruzko datuak ere ez dira beti zehazten lan-eskaintzak erregistratzeko orduan. Eskaintzen % 82,1ek ez du zehazten zein den eskatutako prestakuntza maila minimoa: 1.288 eskaintzetatik 226k soilik zehaztu dute.

220 eskaintza horietatik, 96k LH mailako prestakuntza eskatu dute; ikasketa maila honetako eskaintzak izan dira ugariak. Ondoren, unibertsitateko ikasketa maila eskatu dutenak daude; 79 izan dira martxoan. Azkenik, eta alde handiarekin, oinarritzko eta batxilergoko ikasketak eskatzen dituzten eskaintzak daude (48 eta 8 eskaintza, hurrenez hurren).

Eskatutako gutxieneko prestakuntza maila



Hil arteko erlazioan, jaitsi egin dira Batxilergoko ikasketak behar dituzten eskaintzak (5 gutxiago eta % 38,5eko jaitsiera) eta unibertsitate-ikasketak behar dituztenak (4 eskaintza gutxiago, - % 4,8); aitzitik, igo egin dira LHko ikasketak behar dituzten eskaintzak (+12 eskaintza, % 14,3ko igoera) eta derrigorrezkoak behar dituztenak (+8 eskaintza, % 20ko igoera).

Lan-eskaintzen erregistroa 2023ko martxoan

2022ko martxoarekin alderatuta, eskaintzek behera egin dute profil guztietan, derrigorrezkoetan izan ezik, horietan 4 gehiago izan baitira (+%9,1). Balio absolutuetan, gehien jaitsi diren eskaintzak unibertsitate-ikasketak eskatzen dituzten eskaintzak dira (-17 eskaintza, % 17,7ko jaitsiera); balio erlatiboetan, jaitsiera handiena batxilergoa eskatzen duten eskaintzetan gertatu da (2 eskaintza gutxiago, % 20ko jaitsiera).

• ESKAINTZAREN JARDUERA

EAEko enplegu-bulegoetan erregistratutako lan-eskaintzen kopuruari dagokionez, gehien nabarmentzen dena manufaktura industria da; honen pisua eskaintza guztien % 15,9koa izan da (205 eskaintza). Nabarmentzeko beste jarduera bat merkataritza izan da, eskaintzen % 13,7ko pisua izan baitu (176 eskaintza).

Aurreko hilabetearen aldean, ia profil guztietan igo dira eskaintzak, salbuespenak 2 dira; zientziako profesionalak, horietan 23 gutxiago izan baitira (%-19,8) eta energia-hornidura 3 izatetik 2 izatera igaro baitira. Balio absolutuetan, gehien igo diren eskaintzak merkataritzako eskaintzak dira, 38 gehiagorekin (% 27,5eko hazkundea); balio erlatiboetan, igoerarik handiena higiezinaren jardueren eskaintzetan gertatu da, % 200 igo baitira (8 eskaintza gehiago).

Urte arteko saldoari dagokionez, eskaintza-maila esanguratsua duten jardueren artean bilakaera onena izan duten eskaintzak merkataritzakoak izan dira, 21 eskaintza gehiago izan baitira (ehunekotan, % 13,6ko igoera). Aitzitik, balio absolututan bilakaera txarra izan duten eskaintzak ostalaritzakoak izan dira, 51 eskaintza gutxiago izan baitituzte (% 30,9 gutxiago); balio erlatiboetan, bilakaera txarra eraikuntzako eskaintzek izan dute, % 31,5eko jaitsiera (46 eskaintza gutxiago).

Eskaintzaren jarduera

